



UNIVERSITÄTS-
BIBLIOTHEK
PADERBORN

**Liber Officialis Seu Agendorum Pastoralium S. Trevirensis
Ecclesiae**

Johann Hugo <Trier, Erzbischof>

Mogvntiae, 1688

Benedictio regulæ generales.

[urn:nbn:de:hbz:466:1-75322](https://nbn-resolving.org/urn:nbn:de:hbz:466:1-75322)

deducerentur, illudque à principio usq; ad finem audirent, ac tempore offertorii eodem ordine quo ad templum pervenissent, circumcundo altare, offerrent. Volumus ut eidem præscripto quidem insistatur, & circa hoc sponsi ante diem nuptiarum præmoneantur.

Siverò moram facerent, parochus (ut passim hodiè practicatur) missam inchoabit, ut deductio sponzorū ad templum promoveatur, actumque copulationis & benedictionis sponzorū post finem sacri præstabit.

Formula testimonialium matrimonii contracti.

N.N. Pastor Ecclesiæ parochialis **N.** diœces. Trevir. hæcce lecturis in Domino salutem. Notum sit serie præsentium, quod Anno Christi millesimo, sexcentesimo, octuagesimo die Mensis **N.** in prædictæ Ecclesiæ Parochialis facie, coram populo frequente, ac testibus **N.N.** & **N.N.** civibus in **N.** honestus adolescens **N.** honesti viri **N.** civis in **N.** filius legitimus: cum virtuosa virg. **N.N.** honesti viri **N.** civis in **N.** filia legitima, nullo, de quo constet, canonico impedimento reperto, ritu Ecclesiæ Catholicæ solenni, magno matrimonii Sacramento sint initiati. Quorum matrimonium Deus ter opt. max. foecundet. In quorum fidem hæcce sigillo parochialis meæ Ecclesiæ ac subscriptione meâ munitas dedi **N.** die . . . Mensis **N.** Anno M. DC.

DE BENEDICTIONIBUS.

Regulæ Generales.

Noverit sacerdos, quarum rerum benedictiones ad ipsum, & quæ ad Episcopum, jure pertineant; ne majoris dignitatis munerera

De benedictione aquæ lustralis. 161

nera temerè aut imperitè unquam usurpet propriâ auctoritate.

In omni benedictione extra Missam, sacerdos saltem superpelliceo & stola, pro ratione temporis utatur; nisi aliter in missali notetur.

Stando semper benedicat, & aperto capite, in principio cujusque benedictionis dicat:

✠. Adjutorium nostrum in nomine Domini.

℟. Qui fecit cœlum & terram.

✠. Dominus vobiscum.

℟. Et cum Spiritu tuo.

Deinde dicatur oratio propria, una vel plures prout loco suo notatum fuerit.

Postea rem aspergat aquâ benedictâ: ubi notatum fuerit, pariter incenset nihil dicendo.

Cum sacerdos aliquid benedicturus est, habeat ministrum cum vase aquæ benedictæ, & aspergillo & cum hoc rituali libro seu missali.

Caveat, ne benedictionis causâ ponat aliquid indecens super Altare, veluti esculenta: sed quod ejusmodi est, ponatur super mensam commodo loco paratam.

BENEDICTIO AQUÆ LUSTRALIS ET SALIS.

Omnibus diebus Dominicis (excepto tempore Paschali & Pentecostali, quibus de fonte baptismi, ante impositionem chris-matis, tantum aquæ sumitur, ut aspersioni consuetæ sufficiat) sacerdos salem & aquam benedicit secundum Ecclesiæ antiquam & universalem consuetudinem, acceptoque aspersorio genuflectit ante altare & aspergit altare in medio, in cornu Evangelii & Epistolæ (sed si Venerabile patenter sit expositum non aspergitur altare multò minus Augustiss. Sacramentum) deinde se, adhuc genuflectens; tertio ministros singulos: quarto Clerum; quinto, populum & Ecclesiam circumeundo, si transeat ossuarium ibidem consistens orat Psalmum De profundis, cū Pater, & Ave, & Collecta generali

X

pro